

En leeng di peup il a pat dawnzhee daw la prayree

Enbridge paminum kaw- diloo-iwuhk en leeng di peup aen system daw la prayree provayns di Alberta, Saskatchewan pi Manitoba, kaw-ishnihkawtamahk Daw la prayree Grawn Piye. Ooma aen system avek ay-wayhchipayin aen morsou'd tayraen di tout sort ayspeeshchawk) aykwawnima pimakoutayw Edmonton, Alberta ouschi shawpou Saskatchewan ishko Gretna, Manitoba akwa meena ishi aen pawsawzh kaw-pimakoutayw Hardisty, Alberta ouschi ishko araw la ling di U.S. daw li seu'd Alberta.

Enbridge soon Daw la prayree Grawn Piye aen system nahinikawtayw disoor la tayr. En leeng di peup wawpastahikaywina ashtaywa aloong ay-wayhchipayin wawpaschikawtayw akouta ikouhk di kaw-nahinikawtayw en leeng di peup. Keeshpin piko chi moonawtihkayhk akouta keema wawshakawmihk en leeng di peup aen system, kishkishi chi-taypwayhk avawn chitoutamin, itay 1-867-587-7000 (kalektee) keema email crossingrequests@enbridge.com.

Keeshpin kiwawpastayn mitouni difarawn kawkeeshpayik akouta keema araw en leeng di peup ay-wayhchipayin, si voo play chi-taypwayhk shawmawnk, mouschi shaywepichikun itay **1-877-420-8800**. Toon peekishkwaywin tapitow kischeetayistakwun.

Keeshpin aen emergency

En leeng di peup ishpayiwin si rawr mawka chikee ishpayin. Keeshpin kiya:

- Mawyimawkwun kaykwuy tapishkoot la wil, diesel keema li gas
- Kipaystaen hiss tistawkwun keema ay-pitihkwayk kaykwuy
- Kiwawpastaen ptsi shawpoupayw keema aen nwayr, shakwalaw keema il i zheunn ay-diloo-iwuhk

Ooma chikee itoutamaen:

- Ashtawayhik lee sigaret keema pikou itouwahk kaw-shashkitayw awpachichikan
- Awshtawayha pikou itouwahk kaykwuy kaw-keeshashkahikawtaykihk
- Keeshpin il ipat dawnzee, weehtamouwik kootakak chishipwayteechik
- Nakata akouta la plaes shaenmawk pi itouhtay aen layr tayhkay di la plaes
- Taypway Enbridge soon mouschi shaywepichikun la **emergency nombr itay 1-877-420-8800**, keema taypway toon piblik la emergency aen foonn nombr

Kawya:

- Shawmina keema itouhtay araw aykwawnima kaw-diloo-iwuhk
- Mawchtaw kaykwuy kaw-keeshashkahikawtaykihk tapishkoot lee mashinree keema awpachichikana
- Ashtaw keema awshtawayha pikou kaykwuy chikee mawchistahk en flamesh (aen ptsi foonn, li foonn, kaw- ashtahk lee light) isho itay il i pat dawnzhee chi-ayawyin
- Peehtwa keema shashkaha la mesh keema lee lighter



> La Emergency nombr Ka-kee taypwayhkun la emergency atoushkaywuk, mouschi shaywepichikun, tou lee zhoor itay: **1-877-420-8800**